

4
HERCULIS CORAZZI

Abbatis Olivetani, et Publ. Prof.

DISSERTATIO

Ad Michaelis Mercati Metallothecam

In Bononiensi Scientiarum Academia recitata

Idibus Januarii

MDCCXIX

SUB AUSPICIIS

Eminentissimi, ac Reverendissimi

CURTII
CARDINALIS ORIGO

Bononiae a Latere Legati.



Tu verus Patriæ diceris esse PATER .

Martial. in Amph.

(III)
EMINENTISSIME
PRINCEPS



On ego Dissertationem hanc edere jussus, Princeps Eminentissime, tuo nomini inscribere decrevi, sed idcirco edo,
A 2 *ut*

*ut inscribam. Scilicet immensa illa beneficia, quae in patriam hanc meam quotidie confers, jamdiu me movent, atque impellunt, ut non privato aliquo officio, sed publico testimonio grates agam; voluntatemque hujus Civitatis, studium, obsequium in magna omnium hominum luce tibi significem. De omnibus fere Principibus dici solet, esse illos humanos, graves, sapientes, pios, juris, & aequi servatores: quid enim potius? tu revera talis es. Omnes sibi liberalitatem, & clementiam vindicant: tu ita clemens in omnes es, ita praesertim liberalis in pauperes, ut hae duae potissimum virtutes tuae esse videantur, tibi quodammodo a natura insitae, ceterae vero ad
has*

has accedant eo communi vinculo, quo simul omnes inter se necessario colligantur. Non poteras sane, in tempus incidere difficilius, sive annonae caritatem pro foedissimis Rheni inundationibus respiciamus, sive artium, ac mercaturae inopiam: tu tamen tanta prudentia, ingenio, lenitate ubique occurris, ut nemo, ne dolere quidem de suis calamitatibus, velit. Sed nolo videri, panegyricum mittere, tuaeque moderationi per haec qualiacumque molestiam afferre. De me potius dicam: verum ne de me quidem. Nimis enim multa dicenda essent de summa mearum virium infirmitate, de proficiendi desiderio, deque iis omnibus, quae me tibi, civibusque meis plus nimio au-
den-

dentem excusare possent. Quamquam tu me satis superque nostis; nec profecto tot beneficiis ornasses, nisi novisses. Qua in re non ideo mihi placeo, quasi vero mereri aliquid potuerim; video enim, quam nihil valeam: sed utcumque sit, iudicium de me tuum tam splendidum, atque honorificum praeterire nullo modo possum. Nunc ita velim, tibi persuadeas (Litteratissime Princeps, amor, ac deliciae bonorum omnium) nihil mihi jucundius contingere posse, quam si Dissertationem hanc aequi, bonique consulas. Vale.

Eminentiae Tuae Reverendissimae

Bononiae - Idibus - Februarii MDCXCIX

Humillimus Servus Obsequentissimus
Hercules Corazzi.

DISSERTATIO



Uoties reputo, Eminentif-
 sime Princeps, Illustrissi-
 me, ac Reverendissime
 Prolegate, Senatores Ex-
 celsi, litteratissimi Audi-
 tores, quam multa, quantoque doc-
 trinae lumine expolita Illustrissimus,
 ac Reverendissimus Praesul Joannes
 Maria Lancisius in lucem ediderit,
 toties non illi solum, sed nobis om-
 nibus magnopere gratulor, qui Acade-
 miae hujus societate tanto viro con-
 juncti sumus, & in ejus gloriae com-
 munionem aliquo modo venimus.
 Nullum jam nomen in litterario orbe
 plus resonat, quam Lancisii; nosque
 ni-

nihil esse tam utile ad Philosophica studia promovenda existimamus, quam si ejus opera in medium producamus; collectisque velut in aliqua tabula, quae potissimum eminent, civium nostrorum ingenia ad imitandum excitemus. Huc spectavit clarissimus, & ornatissimus vir Matthaeus Bazzani, cum praeclarum illud opus -- *de Noxiis Paludum effluviis* -- tanto ingenio, tantaque industria vobis exposuit, magnamque Auctoris doctrinam, summa cum elegantia conjunctam, in bono lumine collocavit. Sed ille profecto cum apud vos diceret, visus est hujusmodi, ut quandoquidem Lancisius ipse Bononiae audiri non posset, Matthaeus Bazzani unus ejus personam pro dignitate sustineret, ingentemque illam inveniendi subtilitatem, dispo-

disponendi prudentiam, ornandi copiam, non longo intervallo proximus assequeretur. Videtis, Auditores, quo me animo esse oporteat; quam dubio, quam fracto, qui in locum, tam difficilem succedere jubeor, & *Vaticanam Michaelis Mercati Metallothecam* a Lancisio editam, atque illustratam, eundem in pulverem proferre, eademque judicia subire. Periclem ferunt, quoties ad dicendum accederet, a Diis immortalibus petere solitum, nequod verbum excideret loco, aut tempore minus dignum: mihi vero non loci tantum, vel temporis habenda ratio est, in quo peccare sine magna reprehensione nemini licet, sed ejus insuper, qui ante me dixit, quod ita aures, animosque vestros occupaverit, ut nihil jam minus elegans placere possit.

B

Ve-

Verumtamen non est ex sapientia vestra idem ab omnibus postulare; sed quemadmodum providus agricola arva etiam minus fecunda diligenter colit, ut pro soli natura fruges aliquas colligat; ita vos non optimis solum ingeniis favere decet, sed etiam mediocribus; atque adeo deterioribus; ne, siquid forte in illis tolerabile videatur, contemptu vestro quasi sepultum miserrime pereat. Ergo audere juvat, illamque benevolentiam a vobis sperare, quam ceteris ex hoc loco dicentibus concedere consuevistis, nec mihi ipsi, quamvis jure possetis, pro vestra incredibili bonitate umquam denegastis.

Duo fere solent esse aliorum libros referentibus summa incommoda, quibus & initio perterrentur, & in ipso opere valde laborant: nam si-

ve

ve malos libros referant, castigandi
 materiam quaesisse videntur; sive bo-
 nos, ita frigent, ut neque aliquid
 de suo addant, neque aliena dicen-
 do exaequent. Alterum hoc, si quan-
 do me umquam, nunc certe maxime
 sollicitum habet, cum celeberrimam
 Michaelis Mercati Metallothecam ex-
 ponere jubeor, vestrisque oculis, ac
 judiciis subjicere. Cum enim ipsum
 per se opus in eo rerum genere per-
 fectum est, ac prope absolutum;
 tum siquid pro Scriptoris aetate, mul-
 tis veterum opinionibus auctorata,
 peccatum fuerat, tanta diligentia, &
 felicitate ab ingeniosissimis viris casti-
 gatum est, ut nihil jam addi, ni-
 hil omnino detrahi possit. Accedit;
 quod ille ipse, qui unus reliquus esse
 videbatur, dicendi campus de Aucto-
 ris vita, de operis praestantia, de

modo, de tempore, de loco, quo singula descripta sunt, & ad nostram aetatem per varios casus traducta, hic ipse, inquam, nobis interclusus est. Nam in ipso veluti libri vestibulo statim sese offert doctissimi Lancisii praefatio, in qua nihil eorum praetermissum est, quae ullo modo possint ad hujus praestantissime lucubrationis lectionem hominum animos praeparare. Hic abunde de Sapientissimi Principis Clementis XI., Pontificis vere Maximi, studio in restituenda, ornandaque antiquitate, de hoc Metallothecae codice, de Metallicorum, & fossilium corporum loco in Aedibus Vaticanis, de varia totius rei fortuna, de Auctore ipso, & monumentis ad eum pertinentibus, denique de nobilissima hac editione, notisque, & illustrationibus distincte,

gra-

graviter, eleganter, & ut omnia uno verbo complectar, Lancisiano plane more differitur. Praefationem excipit Mercati vita ab Illustrissimo, & Reverendissimo Praefule Carolo Majello scripta, tanta quidem perspicuitate, & eloquentia, ut non historiae modo, sed etiam panegyrici ornamenta comprehendat; par simul laudato, simul laudatori; illa demum, immortalitate digna, quam Mercato ipsi apud omnem posteritatem comparabit. His tantis viris accedit Petrus Affaltus elegantissimae indolis, multaeque, ac reconditae eruditionis Professor, de cujus ingenio, atque doctrina id unum dicam, eum potissimum in urbe Roma visum esse hujusmodi, ut Lancisio operam navaret, suoque studio, & industria hominum expectationi in re tam difficili

fa-

fatisfaceret . Ubi igitur Lancisius , infinitis prope curis distentus , non potuit , Assaltus huic operi adfuit , multisque adjectis commentationibus , explicuit , emendavit , amplificavit . Sed jam propius accedamus .

Cum Metallorum , fossilium , & lapidum historiam scribere clarissimus Mercatus instituisse , universum opus in duas partes distribuit , quarum prima rerum genera , secunda res singulas complecteretur . Sed quia pars altera jucundior , & utilior videbatur , ab ea duxit initium , tamdiuque laboravit , donec extinctus est . Itaque nihil in universum edidit , nisi quae quattuor prioribus hujus voluminis capitibus continentur , in quorum primo de ordine generatim disputat , quo metalla in rerum natura sunt ; in secundo quaerit , quid nomine metallo-

lorum intelligatur ; in tertio differit de iis , quae metalla antecedunt ; in quarto demum metallorum differentias pro variis Philosophorum opinionibus assignat . Quod reliquum , est in decem armaria dividitur , armaria vero ipsa in plures loculos , quorum singulis peculiarem dissertationem tribuit , in qua nomina rerum primum expendit ; deinde figuras exhibet ; tum sapores , & quae tactu percipiuntur qualitates explicat ; postremo facultates , & usus in medium affert . Operis totius materies sunt terrae , sal , & nitrum , alumina , succi acres , succi pingues , marina , lapides terrae similes , lapides animalibus innati , lapides *ιδιόμορφος* , ac denique marmora . Sed haec quidem , quae armario decimo continentur , pauca sunt , paucisque explicata . Fortasse

se enim particulam hanc nondum absolverat, cum fato interceptus est: proinde neque ceteris conjunxit, sed angustiore libello adumbravit.

Verum me quidem non tam res ipsa capit ceteroquin magna, & admirabilis, quam notae immensa; atque incredibili eruditione ab omni scientiarum, linguarumque genere petita refertissimae, quarum judicium nolite, quaeso, a nobis expectare. Nimium est hoc, nostrarumque virium infirmitatem, atque adeo ipsam temporis rationem ad dicendum concessi longissime superat. Ne tamen prorsus laborem defugisse videamur, habete aliqua de metallorum generatione, ex quibus de ceteris facile judicabitis.

In capite postremo illorum quatuor, quibus operi universo quasi prae-

praeluditur , Aristotelis sententiam, clarissimus Mercatus attulerat de metallorum generatione , ac differentiis, & cum illa Theophrasti, Galeni, Avicennae, atque Alberti opiniones composuerat: sed revera nimis ille quidem generatim , & ex antiqua consuetudine philosophatus fuerat. Lancisius , & Assaltus aliquanto magis ad naturam , ut hoc explicarent, accesserunt. Et hac in parte quidem satis apparet, quantopere Chymicis experimentis , unde natura tota suis momentis expensa perspicue, dilucideque cognoscitur, pro sua sapientia delectentur . Ut igitur ordine in re valde obscura , & implicata procedant, quinque omnino opiniones de metallorum generatione , & augmento afferunt . Alii enim putant, metalla fieri ex mercurio, & sulphu-

C

re ;

re; alii ex mercurio; sulphure, & fale; alii ex mercurio vulgari, sulphure, & terra; alii ex materia subtilissima lucis mercurii globulos diversimode penetrante; alii denique ex feminibus quibusdam, itaut plantarum instar vegetent, in truncos crescant, ramosque emittant.

Hic ego tantorum virorum venia animadverto, primam opinionem veterum Philosophorum esse, hoc est Hermetis, Raimundi Lulli, Arnoldi de Villanova, & aliorum praeterea inter *artis auriferae Auctores*: alteram vero ad eos referendam esse, qui quodammodo recentiores appellari possunt, cujusmodi sunt Filaleta, Sandivogius, Comes de Treves, Michael Majerus, & alii, quorum lucubrationes in Theatro Chymico recensentur. Neque vero difficile est, secundos

dos primis conciliare: illi enim mercurii nomine sale quoque complexi sunt, tertium metallorum principium; siquidem mercurius a sale nunquam separari potest: hi vero, ut aliquid suo Marte invenisse viderentur, de sale peculiarem sermonem iniecerunt, & tertium illi locum in metallorum generatione assignarunt. Ceterum satis apposite notarum Auctores monuerunt harum rerum studiosos, mercurium, de quo in praesenti loquimur, non vulgarem illum esse, qui *argentum vivum* appellari communiter solet, sed Philosophicum, hoc est substantiam humoris, ac visci redundantem. Quibus, si licet, pauca quaedam adjicio; videlicet substantiam hanc ad Saturnum pertinere, & ex ejus minera educi, quam una voce ex tribus composita

saturnino - luni - solare appellant; vel etiam ex antimonio minerali, quod ipsum est *de partibus* Saturni, ut Artefii Arabis verbis utar. Id unum animadvertendum est, Mercurium virginem, ac vivum esse debere: vita porro metallorum in eorum minerali spiritu consistit, qui per terram, ac faxa penetrans argentum, aurumque producit, & mineris ipsis vitam, & propagationem quodammodo tribuit. Quare quaecumque igne tentantur, ac funduntur, cum vitalem spiritum emittant, hoc est vim mineralem, videntur quodammodo violata, & mortua; ideoque ad opus inepta sunt: quò referendum est proloquium illud Hermeticorum valde arcanum -- *oportet ad opus magnum assumere terram virginem* --.

Ter-

Tertia opinio falsissima est: valde enim differt mercurius vulgaris a Philosophico, in quo uno res chymica vertitur. Etenim hic calidus, ac vivus est: ille frigidus, & mortuus, veluti pomum ab arbore divulsum. Sulphur quidem verum principium est, sed animadvertendum diligenter, non hoc cuilibet sulphuri convenire. Sulphur chymicum solare est, quod a Philosophis *Filius solis* appellatur; & quidem album gignit argentum, rubrum gignit aurum. Terra demum, cui tertii principii locus ab hujus opinionis auctoribus tribuitur, proprium, ac verum principium non est, nisi forte remotissimum.

Quarta opinio, quæ doctissimum Hombergum auctorem habet, magis accedit ad veritatem, quippe lucem attingit, unde non est difficile

le rerum omnium originem ducere. Sed haec subtiliora sunt, quam pro tanta brevitate temporis explicari possint.

Veniamus ad opinionem quintam, in qua tanto diutius, ac libentius immorabimur, quanto plura, quam ceteris Scriptoribus, Marcello Malpighio nostro celeberrimo, atque immortali debemus, qui eam in primis probavit. Qui in ea sunt, metalla omnia ex feminibus gigni, & plantarum instar vegetare existimant; quod quidem ob id potissimum duriusculum videtur clarissimo Assalto, quia censet, *metallorum generationem, atque incrementum, partium, ut ajunt, juxta positione fieri*. Duriusculum dico: neque enim negat Assaltus, omnem prorsus plantae similitudinem metallis deesse, sed rudis,

di, & analoga vegetatione concessa, cetera inficiatur. Ego vero (si licet exercitii gratia, a tanto Philosopho parumper discedere) ob id potissimum ad Malpighium, & Malpighianos accedo, quod non juxta positione, sed concoctione, & maturatione quadam, veluti arbores, metalla gigni, atque incrementa capere existimo.

Semina igitur metallorum sunt sales terrae minerales, praesertim vero nitrum, ac vitriolum, in quibus principia metallica sulphur, ac mercurius, mas, & femina continentur. Ex quo fit, ut si minera exhauriatur, rursus tamen ex semine ibi latente metalla progignantur, & crescant. Quia vero necesse est, hujusmodi semina in aliqua matrice condi, illam statuimus metallorum matricem, quasque uterum, quae partem

tem imam minerarum occupat , hoc est profundissimum solum vitriolicis , ac nitreis salibus abundans . Hi enim humiditate loci facile soluti simul miscentur , inde mutuo in se agentes , fumantesque per superiores terrae venas , ad novae substantiae naturam paullatim disponunt , & ex terra communi in terram mineralem commutant . Ajo itaque , matricem mineralem , nitri , ac vitrioli beneficio , virtutem , & facultatem habere substantiae alicujus pervertendae , & longa maturatione adhibita , in aliam mutandae . Hac ratione metalla omnia gignuntur , & crescunt ; satisque constat rerum chymicarum peritis , mercurium saturni in plumbeis mineris ita concoqui , ut plumbo nobilius evadat , multisque accedentibus faeculis in argentum , ac denique in aurum etiam commutetur . Hac.

Haftenus de metallorum radici-
bus : ad truncum accedamus . Ita
fane plumbum appellari poteft , cu-
jus minera principia quaedam cete-
ris metallis fuppeditat maturitati pro-
piora , & a terra magis fublata . Hinc
non temere Aegyptii Philofophi, fa-
bularum auctores, Saturnum Deorum
patrem eſſe commenti ſunt : cum
enim Saturni nomine plumbum ſigni-
ficetur , ceteriſque metallis, pro varia
ſingulorum indole, Deorum nomina
tribuantur, totum hoc metallicae ge-
nerationis negotium clariffime expe-
ditur . Nolite enim exiſtimare, Au-
ditores, veteres fabulas anilia com-
menta eſſe, aut infulſa poetarum ſom-
nia : ſed ita vobis perſuadete, anti-
quos naturae interpretes per haec in-
volucra arcanis ſapientiae myſteriis
nubem quandam offuſiſſe , ut igna-
D rum,

rum , ac stolidum vulgus callide fallerent , & ab his , quasi sacris , longissime arcerent . Idem prorsus significarunt , cum Saturnum in Helicone vomisse lapidem tradiderunt , quod ex plumbo , Philosophicus lapis ad metallorum mutationem idoneus , proxime ducatur .

Sed jam me unusquisque vestrum de ramis interrogat . Hoc quidem nomen , nisi fallor , in metalla non omnino perfecta satis convenit . Cum enim plumbum matrices quasdam sulphuribus vitiosis infectas plerumque offendat , spiritus ejus mercurialis statim imbibitur , & in metalla deteriora degenerat . Omnia tamen temporis beneficio per spiritum aureum sulphureum pervadi , purgarique possunt , & ad auri naturam promoveri . Iccirco postremo loco statuitur ,

tur, mineralis arboris fructus aurum esse, atque argentum, juxta majorem, minoremve mercurialis, sulphureique spiritus copiam, & facultatem.

Ecce igitur vobis Malpighii nostri arborem, quae & a Majero viro doctissimo, magnique in hac arte nominis, emblemate nono praecclare describitur.

Nolo diutius excurrere, ut hinc colligatis, quantum sit harum notarum momentum, si uno ex loco tanta rerum pulcherrimarum seges existit.

Accedit, quod me non tam capit Interpretis ingenium, ubi res explicat, notisque ornat, quam ubi conticescit, & alio progreditur. Semper enim existimavi, Philosophos nostros, ceteroquin praestantissimos, in eo maxime peccare, quod omnia ex-

pedire conentur, nihilque dissimulent. Nugari sane necesse est, cum illa tentantur, quae suapte natura delitefcunt; multoque praestat, prudentiae laudem tacendo quaerere, quam levitatis notam blaterando subire. Haec ad caput sextumdecimum armarii septimi referenda sunt, in quo de Magnete, & Theamede a Mercato differtur. Videtis, Auditores, quae de re, quam arcana, quam dubia, quam multis difficultatibus implicata. Itaque prudentissimus Assaltus praeter eundem ratus, quod nemo unus adhuc commode explicuit, callida quadam, & eleganti corporis declinatione ictum elusit, lectoresque suos ad Cartesium, & Gassendum amandavit. Non est diffitendum, Philosophos istos de tota re Physica optime meritos ea vidisse, ac docuisse, quae speciem aliquam
ve,

veritatis praeferebant, & ad praecipuos magnetis effectus explicandos non prorsus inepta videantur. Sed cum illa omnia ad trutinam revocantur, quae ipsi commenti sunt, tantis multis incommodis obnoxia inveniuntur, ut hoc ipso minus vera appareant, quod nimis ingeniosa sunt. Et ne a Mercato nostro discedamus, animadverto, cum clarissimum Interpretem, tum ceteros omnes, qui de hoc Mercati opere locuti sunt, singulare viri ingenium admiratos esse, quod magneticam vim non ad occultas qualitates, ut reliqui ejus aetatis Philosophi, sed, velut ab inferis excitato Epicuro, ad corpusculorum effluvium referendam existimaverit. Numquam ego ita desipui, ut Scholasticorum inania verba mechanicae industriae anteponenda putaverim:

sed

sed tamen vehementer opto, ut quoties in eos exurgimus, eorumque qualitates oppugnamus, ea dicere, & confirmare possimus, quae si non illis, nobis saltem probentur. At vero in praesenti negotio scholasticas nugas ridere facile est, sed veritatem exponere difficillimum. Cedo enim mihi, quomodo illa corpuscula magnetem lapidem in polos dirigant, nec tamen semper recta dirigant, nec oblique semper, nec eodem modo. Recedat Cartesius, & Gassendus, quibuscum mihi pugnandum non est, tametsi hac in acie valde ipsi quoque inermes sunt. Prodeat Mercatus. *Eam vim, inquit, quocumque modo, sive causa id fiat, Ursae majoris propriam esse dixerim; quia in rebus dubiis ad universalis potius, quam ad particularis*

*ria confugere expedit; cum ratio
 saepe in primo limine deficiat.
 Sane quidem nihil aliud cum
 variis astrorum influentiis anti-
 qui voluerunt, quam ut ostende-
 rent quasdam res divinitus ordi-
 natas, ne altius earum ratio de-
 duceretur: idque ipsum de fatis
 quoque intellexerunt, ne de eru-
 enda omnium rerum ratione ni-
 mium solliciti essent. Ain' tu,
 optime vir? Ecce igitur qualitates
 occultas admittis, quas ante damna-
 veras. Addo, quod si Ursa magne-
 tem alliceret, numquam in partes de-
 clinaret, quod nuperrime notatum
 est. Addo etiam, quod idem ma-
 gnes numquam ad Austrum tenderet,
 quemadmodum revera tendit, si ul-
 tra AEquinoctialem deferatur. At
 enim primus magnetis effectus, qui in
 ferro*

ferro trahendò consistit, per effluentia corpuscula optime exponitur. Non ausim negare, corpuscula ex magnete effluere, & in ferrum tendere; sed quomodo in magnetem rursus redeant, hìc opus, hìc labor est. Philosophi adhuc inter se pugnant, ac ne duo quidem eorum, qui familias ducunt, sibi consentiunt. Mercatus, quocum uno in praesentia nobis res est, glutinosos quosdam spiritus, vaporesque ex ea magnetis parte, in qua lanugo efflorescit, exire contendit, qui per aerem disseminati in ferrum impingant, secumque arripiant. Bene hercule narrat. Verumtamen quaero ego, quì fieri possit, ut una cum ferro eodem revertantur, unde profecti sunt. Neque enim reditus hic magneti tribuendus est, nisi nova quaedam virtus superveniat, quae
 spi-

spiritus illos ante propulsoſ ad ſe
 revocet: non ſpiritibus iſſis, niſi ali-
 qua ratione cieantur: non ferro,
 quod ſua natura iners, aliena vi, &
 facultate ducendum eſt, aut impel-
 lendum. Quidquod ex una parte
 magnes ferrum allicit, ex altera fu-
 gat? Id tamen timide dico, Audi-
 tores. Eſſi enim ſe fuiſmet oculis
 tale aliquid vidiffe Mercatus teſtatur;
 eſſi antiquitas adeo credidit, ut la-
 pidem Theamedem confinſerit, qui
 ferrum abigeret, ne contrariam facul-
 tatem magneti assignaret; eſſi deni-
 que Gaſſendus facile concedat duo-
 bus illis Lucretii carminibus innixus =

*Fit quoque, ut a lapide hoc ferri natura recedat,
 Interdum fugere, atque ſequi conſueſta viciffim.*

L. 6. v. 1040.

attamen, & celeberrimus Lucretii in-
 E ter-

terpres Thomas Creechius aliam prorsus esse ejus loci sententiam contendit; & Edmundus Purchotius, nostrae aetatis Philosophus longe diligentissimus, in secunda Physices parte, sectione quinta, capite quarto, magnetem quidem, ait, ex una parte alterum magnetem allicere, ex altera repellere, at ferrum ex utraque allicere. Ita ne igitur effectuum causas quaeremus, si nondum effectus ipsos certo cognovimus? Sed ego quaerentes laudo, reprehendentes arguo. Donec enim omnia constabunt, ego sane Philosophos omnes libentissime feram; nihilque tam esse absurdum putabo, sive a polo petatur, sive a vacuo, sive ab arcana vi, sive a montibus magneticis, sive ab analogo animae principio, sive aliunde, quin tolerari debeat. Fere enim ita fit,
ut

ut de iis, quorum naturam , & ingenium ignoramus, siquando lux accedat, illos maxime homines ad rem disputasse appareat, qui a vero alienissimi videbantur, illos vero quam ineptissime, qui sua subtilitate, & acumine curiosis satisfecerant . Praeclare nunc dicere videntur, qui magnetis globulum exiguam quandam terram appellant, suis polis, suis meridianis circulis, suo aequatore instructam; ingeniose, qui materiae striatae cochleas excogitant, easque ad magnetis phaenomena accommodant; acute, qui villos, & fibrillas magneti impertiunt ita dispositas, ut profluvia e terra erumpentia per unum tantum magnetis polum ingredi possint, perpetuoque vortice circa illum ferantur . At siquando multarum observationum, aetatisque benefi-

cio sese res ipsa patefaciat, quam ve-
reor, ne omnia haec toto caelo a ve-
ritate distent ! Haec ego cum mecum
cogitarem , ita statuebam, rem esse
hujusmodi , ut de illa magis Poeta
ludere , quam Philosophus differere
possit . Ecce vero quae animi gra-
tia , juvenili quodam ardore perci-
tus conabar =

*En rade quanta patrat rerum miracula saxum,
Illuditque mei viribus ingenii.*

*Ipse suos magnes (animae quis credat egentem?)
In Boream motus dirigit, inque Notum .*

*Nauta , quid faceres pelago depensus in alto,
Signaret dubiam ni lapis iste viam?*

*Magnetem magnes nunc ad se invitat ; eundem,
Conversis studiis, nunc procul ire jubet :*

*Saepe trahit ferrum non ultro mobile : mirum
Qua ratione trahat , sed tamen ille trahit .*

Insita

(XXXVII)

*Inrita num vis est, quae corpora jungat amica,
Quodque agit, occultis viribus insus agas?*

*An vacuum caussa est, an qui circumfluit aer,
An Polus, an tenuis seminis effluviū?*

*Sidera quid tentas, mortalis, noscere caeli,
Si genium terrae non capis exiguae?*

Redo jam ad notas, quarum singulae hujusmodi sunt, ut praestantissimum Auctoris ingenium prodant, & semina quaedam abditissimarum cognitionum contineant, ex quibus mediocria ingenia proficere possint, & talia quaedam conari, qualia a nobis audistis.

Sed antequam dicendi finem faciam, moneo Lancisianarum lucubrationum studiosos, in notis ad armarii secundi caput sextum, celebratissimam sapientissimi nostri Praefulis e-

pistolam contineri , ad Raymundum Vieussenium missam, de sanguinis acido . De hac porro nimis multa dicenda essent, si ejus laudes susciperem ; sed neque tempus id patitur , neque locus postulat , neque Auctor ipse pro sua modestia desiderat . Ne prorsus tamen in re tam gravi siluisse videar , animadverto , percelebrem esse controversiam, utrum acidum estrahi possit ex sanguine . Affirmat hoc omnium Medicorum hujus aetatis sapientissimus ; sed modum a doctissimo Vieussenio excogitatum putat esse non satis tutum . Cum enim Auctor hic infidum analysis ministrum esse ignem animadvertisset , quod magnam sui portionem resolutis corporibus fere communice-
 ad solem confugit , terrasque bolares . Itaque tum demum ex
 fan-

sanguine sal acidum exprimi posse existimat, si vel radiis solaribus calcinetur, vel terrae bolaris admistione distilletur . Utrumque impugnat Lancisius : primum quidem , quia radii solares ignis sunt, ignemque accendunt ; alterum vero , quia bolares terrae acidulo spiritu gaudent , quem sanguini ipsi in distillatione facile impertiunt .

Atqui ego in aliena provincia sum. Ita profecto : verumtamen res ipsa mihi proposita non aliter postulabat . Ceterum nemo est omnium, qui splendidum , atque immortale Lancisii nomen, plusquam ego suspi-
 ciat: novi equidem , quantopere in rebus Physicis , & in iis omnibus, quae ad Physica quoquomodo referuntur, excellat : novi ingenium, hominis, sapientiam, gratiam, auctori-

(XXXX)

toritatem novi: idque potissimum ad
Academiae hujus fortunam refero,
quod eum inter nostros numerare
possimus.

Interea grates illi pro suscepto
vulgandi Mercati labore agimus, &
habemus: grates item, quam fieri
potest, maximas Principi nostro in-
comparabili Clementi XI., cujus insi-
gni beneficentia litterae omnes, ac
disciplinae in Italia reflorescunt. Jam
nihil ab eo vulgare expectandum est.
Talia sunt ad nostram felicitatem, &
incrementum fundamenta posita, ut
nec vetustae Italorum gloriae, nec
aureis saeculis invidere possimus.

F I N I S.

*Vidit Don Sebastianus Giribaldi Cleric. Reg. Cong.
S. Pauli, & in Ecclesia Metropolitana Bono-
niae Poenitentiarius pro Eminentissimo, & Re-
verendissimo Domino D. Jacobo Cardinali
Boncompagno Archiepiscopo, & Sac. Rom. Imp.
Principe.*

Die 27. Januarii 1719.

I M P R I M A T U R.

*Fr. Thomas Maria Caneti Propic. Sancti Officii
Bononia.*

B O N O N I A E

M DCC XIX

Typis Julii Rossi, & Soc.
ad Vexillum Rosae.

Superiorum Auctoritate.

